

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA THELATHINI NA SITA

03 JUNI, 2016



ORODHA YA SHUGHULI ZA LEO

MKUTANO WA TATU

KIKAO CHA THELATHINI NA SITA – 03 JUNI, 2016

I. MASWALI:

OFISI YA WAZIRI MKUU:

293. MHESHIMIWA ANGELINA ADAM MALEMBEKA (VITI MAALUM):

Atamuuliza Mheshimiwa Waziri Mkuu (Sera, Bunge, Vijana, Kazi, Ajira na Watu wenye Ulemavu:- Uwezeshwaji kwa Wananchi ni suala muhimu sana ili kuweza kujikwamua kiuchumi na kujiletea maendeleo hususani vijana na wanawake na mifuko iliyopita kama ule wa mabilioni ya Kikwete, mfuko wa wanawake na Vijana n.k haikuwafikia walengwa:-

- (a) Je, Serikali ya Awamu ya Tano ina mkakati gani wa kuboresha mifuko hii na kuibua mingine;
- (b) Je, ni kiasi gani cha fedha kilirejeshwa na wananchi kwenye mifuko hiyo ili na wengine waweze kufaidika nayo.

OFISI YA RAIS (TAMISEMI):

294. MHESHIMIWA RAPHAEL JAPHARY MICHAEL (MOSHI MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):-Hospitali ya Mawenzi ambayo ni ya Rufaa ya Mkoa wa Kilimanjaro inakabiliwa na changamoto mbalimbali kama vile uchakavu wa miundombinu yake, samani, mlundikano mkubwa wa wagonjwa kwa sababu Manispaa ya Moshi haina hospitali ya Wilaya, upungufu wa madaktari, wauguzi na wahudumu wengine wa afya:-

- (a) Je, ni lini hospitali hiyo itafanyiwa ukarabati ili
 - iweze kufanya kazi zake kwa ufanisi ● na kuiongezea watumishi niliowataja;
- (b) Je, ni lini Serikali itakubali ombi la Halmashauri ya Manispaa ya Moshi la kujenga hospitali ya Wilaya;
- (c) Je, Serikali itaisaidiaje hospitali ya Mawenzi iweze kupata mkopo kutoka Benki ya Rasilimali Tanzania (TIB) ili iweze kuboresha miundombinu yake.

WIZARA YA AFYA, MAENDELEO YA JAMII, JINSIA, WAZEE NA WATOTO:

295. MHESHIMIWA ZACHARIA PAULO ISSAAY (MBULU MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali imekuwa na azma nzuri kujenga Zahanati katika kila Kijiji na Kituo cha Afya katika kila Kata nchi nzima:-

- (a) Je, ni lini Serikali itapanua Chuo cha MCH Mbulu kinachotoa cheti kuwa sehemu ya Chuo Kikuu cha Sayansi ya Afya na binadamu kwa kuwa tayari Baraza la Madiwani limekubali kutumia ardhi yake ya akiba;
- (b) Je, kwa nini Serikali isitembelee chuo hicho ili kujionea fursa zilizopo;
- (c) Je, ni kwa nini pia Chuo cha Maendeleo ya Jamii cha Tango FDC kisitumike kama chuo cha VETA kwa sababu kwa sasa hakina taaluma nzuri katika fani mbalimbali.

WIZARA YA NISHATI NA MADINI:

296. MHESHIMIWA DKT. HADJI HUSSEIN MPONDA (MALINYI):

Atamuuliza Mheshimiwa Waziri wa Nishati na Madini:- Serikali kupitia Wizara ya Nishati na Madini iliahidi kupeleka huduma za umeme katika Hospitali

ya Lugala, ambayo ni Hospitali pekee na tegemezi katika Wilaya nzima ya Malinyi; katika kutekeleza agizo hili, Oktoba 2014 TANESCO Mkoa wa Morogoro ilitengewa fedha kwa kuanza ujenzi huo wa 33KV, HT line ya km 3.5 na kuunganisha umeme katika Hospitali hiyo na Kijiji cha Lugala, lakini hadi leo agizo hilo halijatekelezwa.

- (a) Je, sababu gani zilizofanya mradi huo usitekelezeke licha ya kutengewa fedha;
- (b) Je, ni lini Hospitali hiyo muhimu kwa wakazi wa Wilaya ya Malinyi, itapatiwa huduma ya umeme.

297. MHESHIMIWA JANET ZEBEDAYO MBENE (ILEJE):

Atamuuliza Mheshimiwa Waziri wa Nishati na Madini:- Ileje inatambuliwa kuwa ndiyo inayokalia ardhi inayotoa makaa ya mawe yanayoitwa *Kiwira coal mine* lakini mgodi huu haujawanufaisha wananchi wa Ileje kwa muda wote uliokuwa ukifanya kazi mpaka ulipofungwa:-

- (a) Je, ni lini mwekezaji mpya ataanza uzalishaji tena kwenye mgodi;
- (b) Je, ni lini tutakaa na mwekezaji huyu kama Halmashauri ili kufahamiana;
- (c) Je, ni lini tutapata mwekezaji wa kutumia makaa haya kuzalisha umeme.

**298. MHESHIMIWA JOSEPH GEORGE KAKUNDA
(SIKONGE):**

Atamuuliza Mheshimiwa Waziri wa Nishati na Madini:- Mradi wa REA unaendelea kutekelezwa katika vijiji 24 katika Jimbo la Sikonge, lakini mradi huo ulisimamia kwa muda mrefu ambapo baadhi ya maeneo nguzo zilizoachwa barabarani zimeanza kufukiwa na mchanga kutokana na mvua zinazoendelea kunyeshwa:-

- (a) Je, Serikali itakamilisha lini mradi huo kwa Awamu ya Kwanza na Pili;
- (b) Je, awamu ya tatu ya utekelezaji wa mradi huo itahusisha Vijiji gani katika Wilaya ya Sikonge na ni lini utaanza na kukamilika;
- (c) Je, Serikali haioni umuhimu wa kufikisha umeme wa REA kwenye mitambo ya kusukuma maji ya Utyatya, Uluwa, Makazi, Igumila Majojolo na Kiyombo ili kupunguza gharama za dizeli ambazo zimekuwa zikiathiri upatikanaji wa maji kutokana na gharama kubwa za uendeshaji mitambo.

WIZARA YA MALIASILI NA UTALII:

299. MHESHIMIWA DKT. IMMACULATE SWARE SEMESI (VITI MAALUM):

Atamuuliza Mheshimiwa Waziri wa Maliasili na Utalii:- Sekta ya maliasili na utalii ni rasilimali inayobeba uchumi wa Tanzania, ikitumika vizuri kwa uendelevu, italeta maendeleo katika Jamii na uchumi wa nchi kwa ujumla:-

- (a) Je, ni lini Serikali itaanza kuipa kipaumbele sekta ya utalii;
- (b) Je, ni lini Serikali itaboresha mazingira ya kazi ya askari wanyamapori.

300. MHESHIMIWA CATHERINE VALENTINE MAGIGE (VITI MAALUM):

Atamuuliza Mheshimiwa Waziri wa Maliasili na Utalii:- Mgogoro wa mipaka kati ya Hifadhi ya Serengeti na Vijiji vya Wilaya ya Ngorongoro ni wa muda mrefu na sasa umekuwa sugu na kusababisha kero kwa Wananchi wa maeneo hayo:-

Je, ni lini Serikali itaainisha mipaka ya maeneo hayo ili kumaliza mgogoro huu.

WIZARA YA MAMBO YA NDANI YA NCHI:

301. MHESHIMIWA ALLY KEISSY MOHAMED (NKASI KASKAZINI):

Atamuuliza Mheshimiwa Waziri wa Mambo ya Ndani ya Nchi:- Vituo vya Polisi vya Kabwe na Kirando vimechakaa sana na hata Polisi hawana nyumba za kuishi:-

Je, ni lini Serikali itajenga au kukarabati vituo hivyo na kuwajengea Polisi nyumba za kuishi.

WIZARA YA UJENZI, UCHUKUZI NA MAWASILIANO:

302. MHESHIMIWA HAMIDA MOHAMED ABDALLAH (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Katika karne hii ya sayansi na teknolojia, mawasiliano ya simu za mkononi ni muhimu sana katika kurahisisha na kuharakisha huduma mbalimbali kwa watumiaji wakiwemo Wavuvi, Wakulima, Wafanyabiashara, Wafanyakazi, Wasanii n.k.:-

Je, ni lini Serikali itaboresha ujenzi wa minara ya huduma ya mawasiliano ya simu katika Vijiji vya Mkoa wa Lindi.

**DODOMA
03 JUNI, 2016**

**DKT. T. D. KASHILILAH
KATIBU WA BUNGE**